

Ecclesiastes Tauviararamana

Pariverena

Aiai da wei bukana i giruma lamna ega wavana tata aramanei. Wate rava gelaui e ririwa da gulau Solomon i girumi. Ma aiai i girumi lamna anina da rava araramanina. E ririwa da wavana lamna *tauviararamana*. Aubaina purapura vopiripirii e bababaniei. Rava maagaui God ega ita aramanei aubaina da i goei da ina baiei da aiwai e tuputupua. Wate anona ega ita nenelagai. Tauviararamana wei ravai ai nota e ririweta. Mara gelauna rava aiwai i kaukauei lamna ega anoi Ma e ririweta da wei kauai lamna me ive tata viagahei. Rava i nelaagi da lawana wei au dobuna lamna anona ega aiwai.

Tauviararamana ana giu

- ¹ Wei lamna tauviararamana, David natuna, mai Israel ai gulau ana viararamana;
- ² Tauviararamana i riwa, “Anona ega!
Anatapuna kwakwavina!”
- ³ Ma nolanola da ma magura ma anona aiwai?
- ⁴ Kimta e nenei ma e nena,
wate dobu maemaena e mamae.
- ⁵ Madega e gogogo ma e arearere,
ma e wanawanavirai da ina vikarena-melei.
- ⁶ Kariwabu e gotagota,
rauanaaga e opuopu,
e kwavikwaviviro
ma e wanawanavirai da ina vikarena-melei.
- ⁷ Waira anatapui au boga e opuopu,

Ecclesiastes - Tauviararamana 1:8 ii Ecclesiastes - Tauviararamana 1:16

- wate boga ega ita oaoai.
Waira matanei,
e gaigairai ma e nene me au matana.
⁸ Kaua anatapuna i vi'nigarigari,
menanare tana riwa nei?
Matata ega melanai ina inana iaua;
Tanigota ega melanai ina nonora iaua.
⁹ Aiwai wariaga i tupua ina tupua me,
aiwai wariaga i kaei ina kauana-melei.
Ega aiwai, kaua vouna wei au dobuna!
¹⁰ E ririwa, “Ona inanai! Wei kaua vouna.”
Wate ega! Wei kaua maemaena;
wariagana, muriai da ta tupua.
¹¹ Kaua wariaga i tuputupua, ega aiai ita notanotai.
Ma kaua marina da muriai e tuputupua, ega
aiai ina notai.

Nuaulaula anona ega

- ¹² Tau lamna tauviararamana ma Israel ai gu-lau au Jerusalem. ¹³ Orau a terei da aiwai anatapuna au dobu e tuputupua, nuaulaulei ana girumi. Ma a aramanei da God vita gaeagaena rava i verei.
¹⁴ Aiwai e tuputupua au dobu a vinua-notenotei ma a inanai da;
anatapui anona ega, kwakwavina. Ive ava ta viviagaigei.
¹⁵ Aiwai barabarai amapo ega ma vojjimana-melei, aiwai awarim ega, lamna menanare ma iavanei.
¹⁶ Au orau a riwa, “Tau a nuaulaula guratana, ega me aiai gelauna au Jerusalem i vivigulau nanare.

A 'ramanei nuaulaula aiwai ma aramana aiwai. ¹⁷ A ġoei da ata aramana-kauei nuaulaula aiwai ma bua ma opa aiwai.

Wate a aramanei da wei lamna me ive a viviāġāġei.

- 18 Aubaina au nualaula e rarata, mae-boaboa e rarata
au aramana e rarata, au nuabola e rarata.”

2

Vinuaiāiana-melana lamna anona eġa.

¹ A vinotanota a pa, “Abeka nuaiai ana baiei, ana raudadani, da i aii bo eġa.” Wate a nelāġai da wei lamna kwakwavina. ² Lamna aubaina a riwa da kaka labalababa ma erawa lamna bua. Ma erawana aiwai aiaina e vereverem? ³ Nuaulaula a ġoana-guratei, ma a ġoei da wine ata umai da orau ita telatela ma kaua opaopai ata kauei, da ata aramanei metauna i aii rava au dobu awari, maranai mara tupona ava au dobu e mamae.

⁴ Kaua ġaēġaei a vikarei, au numa ġaēġaei a voanaiei ma grape wapui a paewi. ⁵ Wapu da peipei a kauei ma ai uauai tapuna ma tapuna a paewi.

⁶ Dogo a ġarai da garewa ma wapaketa i vojijini, lamnei wei wapui a vivituvanei. ⁷ Awariu taunola au numa tuputupuai, ma taunola maġamaġau nelarai ma waivinei a gimarai. Au bulumakau ma sipu i maġa guratana eġa me aiai ġelauna au naona au Jerusalem nanare. ⁸ Awariu gold ma silver gaegaena ma nanare dobuġela gulaui ai via. Tauwela nelarai ma waivinei a vimaiei ma guguini inanai aiai a vivaneiai au numa, au ani vieraerawa. Aiwai a ġoeġoei ana tapuna awariu. ⁹ Tau a maura ma a vipurapura kaua eġa me aiai ġelauna au

Ecclesiastes - Tauviararamana 2:10 iv Ecclesiastes - Tauviararamana 2:17

Jerusalem nanare. Ma wei anatapuna au orana au nuaulaula i mae-kaua.

¹⁰ Aiwai a inanai ma a rauōgarei a vaia,
anatapuna a notai da ita vinuaianiu.

Au nola anatapui a kauana-kauei,
ma nuaiaina lamna au nola maiana.

¹¹ Anina ma aiwai anatapuna a voavoai ma
a polepolei, a vinua-notenotei
ma a aramanei da wei anatapui lamna anona
eōga,

lamna me ive ata viviaōgāgei wei au dobuna
amapo eōga aiwai tana vaia.

Nualaula i aii eōga me bua

¹² Nuaulaula, bua ma opa anoi a vinua-notenotei.
Gulau ana raviepaia, aiwai īelauna ina kauei?

¹³ Ma aramanei da nuaulaula i aii kaua eōga me opa,
ma lalalaina i aii kaua eōga me gimtona.

¹⁴ Rava nuaulaulana matana au kolana e mamae
wate opaopana waguwaguvareina e bababara.

Ma aramanei da ravai ruāgai ai damona tagogi.

¹⁵ A vinua-notanota a pa, “Tau ma opaopana ai
damona tagogina.

Au nuaulaula aiwai īelauna ina vereu?”

Au nota a pa, “Wei maiteni anona eōga.”

¹⁶ Rava nuanuaulaulai lamna me rava opaopai
amapo nai ravaii nuanuata ina vuru.

Kapore! Rava nuaulaulauna ma rava
opaopana e irairāgē.

¹⁷ Tau lawana a geduaiei, au dobu aiwai anata-
puna ta kaukauei iniviara ava e verevereta. Anata-
puna kwakwavina, me ive taviviaōgāgei.

Bagibagi īaeōgaena eōga anona

Ecclesiastes - Tauviararamana 2:18 v Ecclesiastes - Tauviararamana 3:3

18 Anatapuna au dobu a polepolei a geduiae, aubaina nai ana voterei, da rava au muriu e nenei aubaii. **19** Ma aiai i aramanei da tauna rava nuaulaulauna bo rava opaopana? Wate tauna aiwai a polepolei ma au aramanei a vitupui ina vaia. Wei anona ega. **20** Au bagibagi anatapuna wei au dobuna a notai ma orau i peu. **21** Aubaina rava ana nuaulaulaulei ma ana aramanei i nola kaua, da i maura ma anatapunana ina voterei da rava gelauna, ega taunoleina ina vaia. **22** Marana patapatai nola ma nuabola inina e viviarei au dobu ma aiwai ina vitupui? **23** Tauna ana nola da iniviara ma nuabola; waguvvarai maiteni ega ita matamatavave. Wei maiteni ega anona.

24 I aii da rava ita am ma ita umā ma ana nola ita vinuaiae, ma a inanai da vinuaiai lamna God uranei. **25** Aubaina God ega. Lamna ega am ma ega nuaiai. **26** Aiai God e vivinuaiaini, God tauna nuaulaula, aramana ma nuaiai, e vereverei. Wate goa apoapoe ravana ana nola i verei da mane ma maura gaegeaena ina vitupui, Wate God nai maurana ina vaivaitawanei ma aiai e vivinuaiaini ina verei. Goa apoapoe taukauei ai nola lamna kwakwavina, me ive i taviviaagei!

3

Aiwai anatapui ai au mara e tuputupua

1 Mara ma iri i terei da aiwai anatapui au dobu ai au mara e tuputupua.

2 Vinatuna ana mara ma irage ana mara paewa ana mara ma tuaruta ana mara.

3 Viragena ana mara ma vilawana ana mara, amrika ana mara ma voa ana mara.

Ecclesiastes - Tauviararamana 3:4 vi Ecclesiastes - Tauviararamana 4:12

- 4** Tou ana mara ma kaka ana mara,
mogu ana mara ma ara ana mara.
5 Ĝaima viorerena ana mara ma tama
melanana ana mara,
taragwaba ana mara ma eĝa taragwaba ana
mara.
6 Baia ana mara, ma baia voterena ana mara,
ma purapura vojijinana ana mara ma pura-
pura vineboana ana mara.
7 Sika ana mara ma popo ana mara,
genuana ana mara ma babani ana mara.
8 Nuavaina ana mara ma ĝoāgai ana mara
viĝaigaiawa ana mara ma nuauba ana mara.

4

- 9** Rava ruāga i aii eĝa me rava tagogi,
aubaina taui ina viagu vivira ma maura
ina nelāgai.
10 Mepa da tagogi ina peu, turana e mamae da
ina voepai.
Wate tam ainelam ma u peu lamna i apoapoe
kaua,
aubaina kampa eĝa aiai da ina voaguim.
11 Ma nanare mepa da rava ruāga i matave tagogi,
taui eĝa inii ina ubauba.
Rava tagogi menanare ainela ina vibolabola-
melei?
12 Am ĝavia, ainelam ina viĝaviem ma
ina vovaiubaim, wate maranai taumi
ruaĝami e viviĝaviem amapo ona vobelei.
Ma rava tonuĝa i virewapana kaua me ĝurava
barawa tonuĝei metametanana.

Wei ġuravana viaituinana ma kauana-avei.

5

10 Aiavoi mane nuanuai e vaivaia eġa melanai nu-anuai ina rauei;

aiavoi e ġoegħoei da ina vipurapura;
taui eġa melanai ai rauoġara anatapuna
ina vaia.

A inanai da wei anona eġa.

11 Maranai am maura e rarata,
lamna maranai patara e ġeġetai da e amam
vereverem.

Wate wei maurana aiwai aiaina e vereverem?

Eġa aiwai, anina e viatataim da tam mau-mauram, wate rava ġelauna am maura
ina tawanei aubaim.

12 Taunola e amam kaua bo eġa,
wate e matamatave kaua.

Mane ravana eġa nanare, tauna ana maura
e notanota-maratomei.

13 Au dobu kaua apoapoe kaukauana a inanai;

Mane ma purapura ravana ana maura au
anara e tereterei muriai aubaina. Wate wei
lamnei, ana nuabola ġaeġaena i tuarui.

14 Ana mane ma ana maura i kauana
labalababai ma anatapuna i vine-boai.

Natuna eġa ana buderi ita terei.

15 ⋆Menanarena dobuna ta ruinei
nanarena tana nae me, kovakovata ma ana
ura kwakwavita.

Amapo eġa ata purapura, ta vopolepolei
tana vinimavoei.

⋆ 5:15: Job 1:21

7

15 Au lawana kwakwavina au orana kaua ruāga
a inanai;

Rava aiaina BADA ana nola e kaukauei i'rağe
lağilağina
ma ġo'apoapoe taukaueina God ana tarawatu
e viviaigai wate ana lawana i manawa.

16 Lamna aubaina eğä ma viğoa aiaina guratana bo
ma vinuaulaula guratana,
mepa da ma virağena-melem.

17 Wate nanare, eğä ma vitaniğapota guratana
ma eğä ma opa;
eğä ita ai da ma irağe muriae da am mara.

18 I aii mepa da wei riwai bagibagina ma nonori
Aiai God e vivivirei lamna ina paina-melei
da wei kauai ruāgai eğä ina kauei.

19 Rava nualaulaunana tagogi rewapanā ġaeğena
ina verei
eğä me gulagulau 10 au taon.

20 Riwa kaua! Weka au dobu eğä aiai tagogi kaua
aiaii ava taukaueina.
Ma eğä ġo'apoapoe ita kaukauei.

8

16 A ġoei da nuanaua ita ulaula lamna aubaina
rava ai mae au dobu a inanai, ma lamnei a aramanei
da marai ma waguvvarai eğä matave kaua.

17 God aiwai i kaukauei eğä ata aramana dadanei.
Ma voguratei da ma nelağai, wate amapo eğä
ma aramanei. Nuaulaulai e ririwa da i aramanei,
wate eğateni dadana.

11

Ami au vilaraga ona vinuaiai

- ⁹ Laralaraga, ami vilaraga ona vinuaiae,
Nuanuami ina morelana ami au vilaraga.
Orami ma matami ana rauoḡara ona kaei.
Wate ona aramanei da aiwai o kaukauei
God ina etaremi, anatapuna aubaina.
¹⁰ Lamna aubaina nuabola au murimi ona terei
ma tupuami ona paina-melei,
aubaina amapo eḡa ona vilaraga nonoa.

12

- ¹ Ami au vilaraga, taukauemi eḡa nuanuami
ina vuru,
muriai da nuabola ona nelāḡai;
maranai magura i tuḡereḡerei,
ma ona riwa, “Lawana marina eḡa ita ai!”
² Lamna maranai madeḡa, nawaravi ma ubona
ina ḡuvai,
ma apau ina nememei da mara ina ḡuva-nonoei.
³ Anina ma nimami, taugagaloemi ina sisi
aemi marina vivirewapanana ina vokokokara.
Ivomi ina viruaḡa da ami lam eḡa ona uta gwadag-
wadai,
matami ina vinawanawa da eḡa ona inana kaua.
⁴ Taniḡami ina pota da gugura au etanai eḡa
ona nonori,
kiu ina logologoi ina ravidagudaguimi wate ai
wela anatapui ina amoa.
⁵ Taukauemi ona vinuanotenotei:
Maranai aidamo ona gagatei ma babara
ona rovoei,
maranai kora ina tonaimi me rei talana,

Ecclesiastes - Tauviararamana 12:6 x Ecclesiastes - Tauviararamana 12:14

ma tam ma gwaḡa-nae me kapau e gwaḡagwaḡa-nae iraḡe aubaina.

Erawa ma morelana anatapui ina kwa. Tauta kokoḡa ta tuḡereḡerei ma tou ina vikarei au doa.

⁶ Taukauemi ona vinuanotei,
 muriai da lavutu ġuravana ina wanautuini,
bo nau goldei ina wanawamai
 ma reduḡoru ina wanakabakabari.

⁷ Ma tupuami ina naeme au doa
 ma aruami ina naeme God, tauverena awarina.

⁸ Tauviararamana i riwa, “Anona eḡa! Anona eḡa!
 Anatapuna anona eḡa.”

Damona, God ma vivirei ma riwana ma voteletelei

⁹ Tauviararamana nuanuana i ulaula kaua,
ma aiwai i aramanei rava i viararamani. Riwa nuaulaulaui maḡamaḡaui i 'avi ma i girumei ma i rereḡa-kauei. ¹⁰ Tauna riwa vinuaubana i baiei ma aiwai i girumi lamna jijimanina ma ririwakauana.

¹¹ Tauviararamana riwai lamna me kwapu ma riwa nuaulaulai i gam me tutu, nuanuam ita tonatonai. Wei anatapuna BADA i vereta.
¹² Anina natu, ma aramanei da kaua ġelau ma inana-kauei. Buka girumai eḡa ina kwa ma giruma ġiriġiri i vinigarigari.

¹³ Wei anatapui au murina.

Riwa tagogjava ma aramanei:
God ma vivirei ma ponana ma voteletelei.

Wei lamna aubaina rava i vitupui.
¹⁴ God ata kaua anatapui govagovaḡai,

Ecclesiastes - Tauviararamana 12:14xiEcclesiastes - Tauviararamana 12:14

aiaii bo apoapoe, ina kovoḡi.

Wedau Mark
The Gospel of Mark in the Wedau Language of Papua
New Guinea
Buk Mak long tokples Wedau long Niugini

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

PDF generated using Haiola and XeLaTeX on 11 Nov 2022 from source files
dated 9 Oct 2020

aa19f3e3-98fb-51fa-9c53-3906edc75f11